



12042

是巖集卷十六

閩 池顯方直夫



贊

達磨影贊

為胡真卿將軍題

這老胡忒伶俐寸鍊殺人逢竿作戲航粵至金陵不屑露文字可憐上既不投下又多忌幸傳
幾葉兒孫箇箇震大動為千秋形影留人間永
以跣跌為佛事如須有提刀人方悟當年渡

是巖集

贊卷十六

江意

直心居士贊

有序

夫子曰人之生也直老子曰大直若屈佛經
云直心是道場又云十方如來同一道故出
離生歿皆以直心今蔡體國先生自號直心
居士余歡喜而作贊曰

直於朝讒夫側目直於鄉奸人誹腹直於理家
一錢不蓄直於耽書七十猶讀直於談學而儒

切肅直於評文而士舌縮持此直心與世不睦
三教聖人同口稱福遣一直夫爲爾眷族

新安程君影贊

有序

甲子夏寓鷄鳴山有新安程君過訪出自撰
小傳示余見其一人數名名不盡記惟記其
好臥號嬾翁好茶號醉茶好幻號幻仙余齋
有榻不臥有茶不醉而倦倦欲余一贊謂贊
某多矣必如直夫者乃可贊某也余云君此
是巖集

贊卷十六

二

時又不懶矣不醉矣不幻矣于諸名中欲贊
一名猶諸贊中欲余一贊也于是當極懶極
醉時以幻語贊之

終日隱几遇茶則起間亦時吟遇人則沉見之
者罕因字爲懶譏之以顛因字幻僂余第觀其
玄澹如歛之墨淵潤如武溪之石其名號之分
如黃山之曰黠白嶽之曰齊雲也

十八應真贊

第一尊者跌坐鬼使稽顙于前侍者取書
通之

贊曰語卽成贅書卽起塵只得默坐大轉法輪
魔使任來不嗔不拒惟我與魔堪爲伴侶

第二尊者跌坐老人發蠻奴櫃中有琉璃
瓶貯舍利

贊曰我有琉璃非身非器八斛四斗豈佛舍利
圓智金剛不滅不住萬劫刹那是大堅固

晃巖集

贊卷十六

三

第三尊者跌坐白猴獻果

贊曰無覺無脩是我功課維彼雪衣豈能覷破
勿謂天曉嚙花遂杳懶融悟後更堪百鳥

第四尊者屈三指荅胡人之問下有童子

捕龜

贊曰前三後三擬議不堪勿認我指而作實叅
權爲盲龜示浮木處一得木後斷指無語

第五尊者臨淵抱膝而坐神女出水獻書

贊曰勿謗世尊說法龍宮我無一法是祖家風
龍女幼聰大寶經典有無字經女何不展

第六尊者拊穉獅子有侍者剖瓜

贊曰智視一吼百獸俱惶我亦無智爲大獅王
妙法清涼如鎮心瓜若喫此瓜軟汝齒牙

第七尊者臨水側坐有龍吐珠其手

贊曰空藏無物奚湏汝護世珠非寶奚湏汝吐
我有摩尼價值大千不堪持復卽在汝邊

晃巖集

贊卷十六

四

第八尊者立膝而坐加肘其上有神人獻寶

贊曰性如法海我與衆並懸金色臂無勞灌頂
饒汝七寶滿恒河沙而大功德乃在貧家

第九尊者食已覆鉢持數珠而坐童子構火具茶又有理筒注水蓮池中

贊曰何須僧祇立證蓮臺火起爐鳴水滿渠闕
趙州饒舌金色空笑擎茶拈花終非道妙

第十尊者執經正坐僊人焚香于前

贊曰煙從空起亦從空去未審香巖所證何處
任汝成僊終屬有形惟無生者第一長生

第十一尊者跌坐焚香侍者拱手胡人捧

函

贊曰汝以眼聞我以耳嗅如法王子法則誰受
有大旃檀汝等須認歷窮劫灰煨不能燼

第十二尊者入定枯木中神騰於上磷出

晃巖集

贊卷十六

五

其下

贊曰默坐幻耶飛空真耶兀諸有相皆非法身
不須現形爲麟說法去汝嗔心無別解脫

第十三尊者倚杖垂足側坐有虎過前童

子怖匿而窺之

贊曰虎噉衆生而不噬子豈無慈心菩提在此
韋州行者速復汝身聖師說身非虎非人

第十四尊者持鉢杵有蛇一角若仰訴者

贊曰揮帚馱杵鬼伏神欽搖普化鈴大地作音
青衣仰訴欲解其罪我爾皆空從何懺悔

第十五尊者鬚眉皆白胡人拜伏於前

贊曰先古佛來聞道獨早爲愍衆生鬚眉俱皓
汝緣何喜禮拜不止云有得者非我弟子

第十六尊者橫如意跌坐有童子發篆侍

者注水灌盆中

贊曰鑪煙無着花香無炷如如非真何況有意

晃巖集

贊卷十六

六

隨意從橫太虛何礙運水撇柴大家自在

第十七尊者臨水仰視飛鶴其一下集侍

者拊之童子取果投水餵魚

贊曰無日仰鶴天卑於淵無日頰魚淵高於天
世界何小飛躍何大撞破乾坤直游其外

第十八尊者植拂支願瞪目而坐有二童

子破石榴以獻

贊曰秉拂豎拳皆第二義是故支願擲拂於地

勿視榴子如衆生也實無衆生爲我子者

放生贊

佛誕日有賣金線龜絲毛鳩者余贖放因爲之贊

最可惜故隳此旁生尤可喜故逢彼佛生誰爲拘汝自入羅網一解此殺天地何廣然此天地難免風火解汝痴心羅網亦可

長耳和尚肉身贊

晃巖集

贊卷十六

七

彌勒胖肚維衛啞錠光雙耳垂頷下或現不足或有餘圈套示人總皆假是汝自家漏洩休怪彌陀饒舌如今依舊七歲前跣趺如山骨如鐵
永明大師贊

一日十萬佛何暇行百二十善一心修淨土何暇著述百千卷不思議來不思議變匾擔強開口糞堆設方便如有人問何不以西湖爲宗南屏爲鏡師必云咄猶未究竟

蓮池禪師影贊

忒莽蕩儒巾擲却成和上忒容易六箇字中據
師位忒慈癡一切含靈認作兒忒葛藤疏鈔發
隱幾卷經何曾專黏菩薩戒何曾專要西方界
壞衣柴骨絕無奇我來一笑不禮拜

石大士贊

貞女化石爲情堅故外道化石爲見偏故大士
化石爲何緣故學道如石于道尚遠我心匪石

晃巖集

贊卷十六

八

以不可轉

潮上人猶夢偈贊

夢之一字已是權設何況復增至三十說汝若
不言酸湯無雪汝若開口眼光帶血我若不讚
孤燈未熟我若開口舌上生舌

少司馬蔡敬夫贊

品則華泰也量則汪濊也節則松檜也學識則
天人內外也詩文則金薤玉膾也爲政則溪洞

利害也許國則不避顛沛也此吉人真鳳翽也
胡爲乎年僅艾也當斯世誰可賴也晚與予交
而公大也

大司空南思受贊

體貌溫而不類非人意氣重而不類今人風雅
優而不類仕人韜鈴嫻而不類文人真一代之
傑而社稷之臣與朝廷報之當凌煙麒麟國
是巖集

贊卷十

九

士報之當吞炭而漆身也

陳止止師贊

二則

四十年前破家兒四十年後一豎屨走遍燕吳
無箇知赤赤歸來却問誰揚眉瞬目不須提半
似佛半似魔吃肉彌勒示妻維摩養成虎子可
柰何不宜騙子啼聲止幾欲持刀向老婆

又

五十年櫻椅繩床二六時茶鐺茶銚儒旣不成

佛亦不要三藏與五宗無此閒草料何曾磕着
元字脚旁觀錯領爲玄妙座下幾瞎驢輪山鼈
不肖自遭毒手得翻身鼻尖痛定還開笑

開峻嶒洞林子贊

予遊玉屏汝則夢之予標精藍汝則洞之予惜
山童汝則種之昔日之山維溪與虎今日之山
維予與汝予不敢居讓汝爲祖

福唐秦生影贊

晃巖集

贊卷十六

十

按太師之芳鄰而不爲相傳乃祖之韜鈴而不
爲將學萬人敵破萬卷書而徜徉於瑞巖福廬
之上其臨流若思攄石若悵是儒是僊竟不得
而狀

伯兄致夫影贊

這是雙林傍樣道冠儒履佛袈裟不作些兒理
會誰道三家作一家以詩畫爲遊戲以蠻素爲
散花寧違衆而不露知解寧棄官而不媚奸邪

翁喚汝爲無着人指汝爲丹霞喫隨把法輪交
六子不起于座是阿爺

伯兄生六子禪家以六
根爲子心爲爺

弘禪師坐化贊 有序

弘字自平沙縣人學於大遷雪浪後居旗
山石松寺一日獨出有僧遇於莆陽問師
何往日往向來處又問此行樂乎曰極樂
極樂脫脚枷與鎖丟入大石柳後九閱月
一人於大石嶺開匯屋見一僧坐脫棺前

晃巖集

贊卷十六

十一

體貌如生香氣芬馥卽弘師也余與師有
舊敬爲之贊

抉大遷晴嘯雪浪血粧做脫空一場漏洩跳出
旗山尋直掇不逢隻眼向誰說定翻成顛巧翻
弄拙欲向灰屎上眠石柳中滅如何藏身不密
露出乾骨頭惹十方搥唇鼓舌

自贊 三則

額如栗眼如漆行太偏心太直無官而說棄官

有室而說離室。是儒而說非儒。非釋而說是釋。顛往僕。脫空賊。放之世上。亦能翻大海之波。投之山中。亦可綴乾坤之色。

又

學未窺三墳奧竊。詩未脫六朝模樣。文未能起八代之衰。道未能超三賢以上。於禪則大闡提。於儒則大孟浪。如斯僕。可一不可兩。任人笑。任人謗。似我者拙。學我者喪。旣難塵網羈縻。合取

是巖集

贊卷十六

十二

雲烟供養

又

鷺海漁子。忽爾汀溪龍潭。玉屏樵夫。忽爾端山雲庵。玄不學老聃。禪不學瞿曇。不學宋人腐講。不學晉人清譚。亦妻亦肉。亦嗔亦貪。破戒凡夫。有何奇男。問人識不識。問汝慙不慙。噯。厭圭組。喜煙嵐。何其慙。何其慙。

牧原禪師影贊

孝廉出家

儒榜登科。佛榜登甲。悟明星拈花之宗。不求其
合。嗣普門三空之傳。不受其法。一句鐵筭話頭。
逢人痛加錐劄。有時雷公山霹靂驚天闔。有時
羅浮頂標造無縫埵。前稱名孝廉。今號跛半衲。
實則嶺東獅子。咬衆生根出三界押者也。

劉尚晉影贊

胸則雪霽月朗。性則珠潤玉溫。才能絕雲負天。
而不屑受羈於籠樊。所讀之書。離騷經。耶絕交。

晃巖集

贊卷十六

十三

論耶所烹之茶。党姬侍陶學士。耶樵青侍張隱
君。耶而惜君者。至疑其酒過。是以阮嗣宗爲達
不知其慎。王議曹爲醉不知其發。長者之言也。

布袋和尚贊

眼不見眼色。不見色。王不自言。王賊不自言。賊
一切衆生。箇箇彌勒。獨契此。與傳善慧。不是彌
勒。何以故。爲說彌勒。卽非彌勒。故。

準提像贊

爲姪菜題

衆生無始多病難醫是故佛母設大羅尼密語
無義離意識持不拘頭數不覲靈竒口誦億遍
心絕寸絲黑鮓吐出添桶脫時煙飛枯木菓開
碧池

○ 呂純陽真人像贊

列道釋兩教之燈居南北二宗之祖斬妖袖裏
青蛇度世壺中丹黍貌無定形踪無常處今所
圖者修髯豐輔或云出於青城神光或云傳於
晃巖集

贊卷十六

十四

後主。映。先生若登唐一第。不過比名房杜。安得
遊大荒而陟紫府耶。

張僊像贊 二則

是蜀王也。易之則可張也。禱之則可璋也。惟神
不于常也。惟心判稜祥也。猶格揆登第於唐而
玄武爲淨樂生於開皇也。

又

或云非祀形也。遠霄其名也。曾修道於青城也。

或云梓潼之分生也。竟莫得而定評也。第人祀之則靈。余家祀之。未有寧馨也。是故貴夫誠也。

周濂溪贊

河洛久湮。漢唐如綫。太極一圖。中天再覲。志在得民。則小官不辭。其薦道在擇人。則荆公不容。其面一溪。接洙泗之流。二程即顏孟之彥。其學得于希夷。壽涯猶尼山問禮于苦縣。而儒者諱之以爲自有所見也。

晁巖集

贊卷十六

十五

程明道贊

志期希聖。胸純任天。六經爲主。一誠爲先。聆其教者。如坐融風。而吸甘泉。不必攻異端。而道自正。不必爭新法。而議可傳。天子思其學問。政府諒其忠信。賢第遜其和圓。於戲。窮古今之紀。會造化之全。爾有是夫。吾無間然。

程伊川贊

砥道脉于波澌。揭易傳于日朗。以踐履戒人之

虛浮以嚴毅助凡之寬廣直諫告僚而厭者以爲迂忠誠事君而忌者以爲黨然學公不成不失爲矜學大程不成恐流于蕩人謂似孟之巖巖吾謂似曾之勇往

朱晦庵贊

主敬窮理反躬踐實參六經以闡道而究心至六十年懷四字以事君而立朝僅四十日晚歲所證更掃支離而歸于一噫陸非頓悟公非漸見巖集

贊卷十六

十六

入說一丈不如行一尺天資究竟歸學力公真尼山之功臣濂雒之羽翼一時禁其學千秋推與孟爲匹者也

陸象山贊

資性靈敏得無師之智立論直截暢此心之義六經真我註脚意見實道所忌何嘗差些子乃人指爲禪而異之公亦恐似禪而避之獨不云

道本一致

旬日譚笑擒巨慙之逆藩何有于草寇之巢洞
也生歿難辛悟鄒魯之良知何有于諸儒之漢
宋也任大難大疑而不動也自却萊藜都以來
始見道學之有用也千古下誰能元勳而接聖
統也噫今日有如公者予願執鞭爲侍從也

又

道脉千六百年漢疏盛而愈塞周元公闡以無

冕巖集

贊卷十六

十七

極復四百餘年宋註盛而近支我公揭以良知
至于倉卒戡亂不請兵餉市人可戰而郡縣可
將也人謂經世之才實則致知之量也

○ 休歇上人影贊

棲牛皮巖種龍鱗榭入楞嚴則夢放光持准提
則感甘露曾到匡廬叅老憨撩手便行不回顧
圖出圓相似阿誰虛空柰何加點汗若有兒孫
窺半鼻第一不可從休歇中悟

丁丑冬客泰寧有汀商携貨入寓見其暴器
敗絹一片乃白插五百應真渡海四明丁生
筆也贖而裝之供養晃巖敬爲之贊

初授何人逝落幾姓以及于商今逢不佞隨垢
隨淨是不思議之感應也初現四明轉入丁水
復遊樵川今至同里忽山忽海是不思議之自
在也噫素練一尺藏真五百愈竿愈紛不得盈
晃巖集

額有形之圖尚禁測索何況法門宏深如淵彼
僅泛其涯渌予烏能量其中邊

丘白夫振衣濯足圖贊

本自高也何須振千仞本自白也何須濯萬里
然望者若振峨眉之巔而濯清溪之底也噫以
君才學拾芥青紫而予期君則不特此必如爾
鄉之文靖鄒忠定李乃爲星臺先生之子也

才迅峽江胸羅雲夢驅策鮑庾衙官屈宋真闕
西之麟鳳也猶峨眉峰高于杉陽諸洞也何以
暑歲飲香名至今書十上而未用也然君仍飲
酒狂歌白眼望天而不動也此所以爲洪仲也

陳葵若清溪泛槎贊

稱君爲俠士爲才子而君不喜嘲君爲浮士爲
顛人而君不嗔文馳江浙詩達吳荆而君不以
爲名千金塵土四壁秋風而君不以爲寤覺人
拘爾暢人細爾廣人跼踏爾倜儻吾烏得而相
之哉猶上清溪之山水競奇極幻萬轉千滌莫
得而狀也是以君泛槎于其上也

鄒克諧影贊

五度遊金陵許多名公識姓名十年不出戶獨
欲與余探烟塢古畫瑤書羅置特寓目而不畱
意珠鈿絃服濃艷任散花而不著念與人處寸
心可許受人欺終身不疑真杉陽隱君子羲皇

以上人宜衆稱爲冥鴻翔鶴天報以苞鳳玉麟也

周養黃處士影贊

鋤月犁雲實淳樸也而有韋伯業之好學把酒
豪歌甚風韻也而有顏侍郎之家訓一茅二頃
最難支也而灑懷如榮啟期八子九孫日繞庭
也而遊興如向子平可坐虎巘可居海嶼可披
褐衣可膺封誥衆人營營君獨浩浩所謂履坦
是巘集

贊卷十六

二十

幽貞宜其元吉爾報也

談篤汝影贊

羨君友孝君曰歷代藝倫爲庭教贊君詞賦君
曰歷代文章皆師傳仕行所學周濂溪不妨任
叅幕儒兼玄家葛勾漏亦可覓丹砂嘆其貌則
平其竅何靈是鍾十五豪傑之英應八百真人
而生者也

提籃大士贊

昔名馬婦以經爲姻今稱大士以法爲身足步
荷葉頂現圓輪右手所卷無文玉軸左手所提
透網金鱗

八僊圖贊

劫初蝙蝠堯時侍中後來無膽聞詔卽終紙驢
代足金盃爲童循少年戲擲米砂紅

張通玄

聞公飛神茶毘其舍比返無依丐魄爲借予曰
不然真形亦假侯生蝦蟇丁君宦化

李鐵拐

晃巖集

贊卷十六

廿一

藍杉木輦一趺一鞞抱三尺板唱蹋踏歌旋擲
諸物竦身大羅今來無板拍掌呵呵

藍采和

捨大將軍爲都散漢雙髻樹衣十洲汗漫自授
蒲州斯道始燦一花二葉僅領其半

鍾離雲房

髻年好道咀絳餐瓊手持竹拍髻簪紅英藍關
無雪逐臣宜行何湏苦勸原道先生

韓清夫

云夢神人教餐雲母後遂休張立雲朝斗必有
心得故能長久毛女黃精僅山谷走

何僊姑

道判兩宗名喧赤縣日翔人間人不能見自遇
黃龍殿譚修鍊惟悟真空千年拂電

呂純陽

戚畹勲家而能養恬妙齡入道胡以多髯一
玉笛或顯或潜唾彼朱紫貪羶逐炎

曹國舅

魏中嚴太夫人板輿圖贊

當給諫在燕邸也若忘君而望雲於南天迨
其抗危言也若忘親而履不測之淵乃母實命
之順子心以報我后也乃君復命之體臣心

是巖集

贊卷十六

廿二

以養若母也於戲板輿去使子爲直臣板輿歸
使子爲完人予向知負輿有元紫芝賦輿有潘
安仁今賢哉母也宇內聞芳範而引領某輩拜
遺圖而沾巾者也

晃巖集卷十七

閩池顯方宜夫著

銘

瘞鼈銘

水族善游而汝蹙躄以耶爲生以沙爲穴生從
何生滅從何滅六道輪迴汝勿分別若欲托生
仍前作鼈萬劫捨身與他人齧布施忍辱並行
不輟言語旣斷嗔恨亦絕莫作人身復來食鼈

晃巖集

銘卷十七

一

展轉交戕冤相結汝起信心我不妄說

藤杖銘

二則

蟠如龍腰瘦如鶴股掖登山如人代說法如祖

又

爾原附楸而生我不附爾而行爾晚年能離楸
我晚年却依卿然我無爾不妨端坐爾無我不
過枯藤

佛牙銘

天神昔日供宣律佛牙僅長二十分今觀越州
建州寺廣可六寸重數斤非蛟龍之可混定增
劫之遺斷胡以經久不壞是有尊齒者存吾聞
佛雖受飢天神密接原未嘗吞此昌黎所以諫
枯骨而留支折達磨當門也

梵書貝葉銘

色宜黃而白紋宜縞而澤蕉笨柿麤楮澀簡垢
橫飛駢蚪疊若束帛胡僧携入幽溪寺許人供

見嘯集

銘卷十七

二

劉

不許人譯

人蔘銘

五葉三椹榘陰之下根採春秋花吐初夏精應
耀光珍同腦麝桔梗薺危每混真假色黃味厚
取高麗紫團新羅皆其亞安得國醫允遼道長
命神草還初價

墨銘

昔用松今用桐易以獐黏以麋猶未黑復燃漆

我今用爾當捐軀以報知己人或舍君則潔身
以待青雲

古磬銘

綠苔化漆欵識無存問傳何代僧云宋元仰則
爲震腹則爲坤汝清鐘濁汝靜魚喧六時堂上
浣我心魂

見巖集

銘卷十七

三

晃巖集卷十八

閩 池顯方直夫 著

疏

追薦征紅夷陣亡軍士疏

爲國忘身賢者所難法乃行之下士見危授命
匹夫不奪義可冠乎三軍兵者不得已而用之
豈能長勝歿者人之所時有也惟此爲榮自遇
史書不載之紅夷致驅手器未諳之赤子或赴

晃巖集

疏卷十八

一

敵而沈於海上或抗令而殉諸軍中或用計而
誤墜水火之間或交鋒而親斃矢石之下或捲
我商財而暴其骨於沙礫或吞吾賈舶而委其
命於波濤見者如白晝逢魃魍遭之似黑風墮
羅刹繇來作養乎平日正欲用之一朝微恨不
撲于初來遂令蔓及兩歲雖斲舟之難敵以致
如斯亦勦論之互持故稽至此前失之怯後失
之玩豈我技之不堪存則有功沒則有名何此

身之足愛可憐者粟無望腹革有裹屨在兵之家久抱悔教夫婿之恨在商之眷尚生覬覦子母之心青海魂飛深閨夢斷以論王愾固赴湯蹈火之無辭今仗佛慈知割水斬風之如乎至若狡夷蠢爾致蹙臂以遭殃天討昭然尚鴟音之不變殺傷甚衆報應無差以夷狄而侵中華不容於凜然君子之於禽獸欲見其生倘能悔禍而降寧嫌入笠之豕或肯聞聲先遁免爲遊釜之魚否則去草除根猶如將山壓卵是彼之自作孽非我之不好生伏願恢王會之圖自南自北而皆服福閭浮之衆旣庶旣富而又加俾胡越一家挽天河以洗甲將寃親平等就苦海而施航

追薦蔡敬夫疏

佛日高懸永照重幽之苦厄王事靡盬應憐萬里之艱貞正氣雲霄身身電火天不遺一老人

願百其身設會無遮脫因有漏痛兵部侍郎蔡
某幼懷慧性具鶩子尊者之靈長讚佛乘勝龍
門太傅之悟操心似水寧逋債而弗侵欺執法
如山任招充而絕依傍君恩可戴卽赴湯蹈火
以前國憤未伸正嘗膽臥薪之日當其入黔除
藺必先搜黨芟苗劍賜尚方不得已而用殺天
威咫尺無所容其徇私就王法言最當嚴其叛
順以佛慈論亦等視乎寃親忘家繼以忘身度

晃巖集

疏卷十八

三

生急于度已其靈根直地決無隔陰之昏倘慧
業生天卽其受淪之處在生平之學識不至如
斯恐忠愛之勤勞未畢其願若或閻浮再轉徒
添業果之因緣不如淨土托生免留世間之知
見敬仗慈悲寶懺普憫法界有情大覺海中原
何去而何住不二門內無分我而分人盡得菩
提同入滅度寃寃霧釋鐵圍悉化蓮華業業水

消黑浪忽開慧日三因十習從此乾焦六道四

生當下解脫

追薦陳止止先師疏

慧日高懸燭性天之陰暄慈雲廣覆灑心地以
清涼旣普拯于群生自加被乎真子痛先師止
止陳某壯齡聞道領達磨之單傳晚歲杜門現
淨名之示疾勸引人以如爭究歸趣于極圓二
六時間惟有穿衣喫飯九十年內無非闡教提
宗乃世眼之欲盲致法幢之忽折木歸根而無
見巖集

疏卷十八

四

口鈴留響而難追某等愧未嗣其一花徒抱哀
于雙楹懇祈萬靈擁導三寶護持隨意托生宿
愆永謝若論生平學問固無可懺之往因然斷
最後無明猶望大雄之作證大圓鏡上明明舉
似人常寂光中止止不須說

施茶募緣疏

世人終日波波念及而心饑譚及而津湧如渴
鹿奔燄似薜荔思漿者不過欲求常溫飽耳謂

其熱得之而冰寒得之而火也然觀道路之人當紅塵赤日黑霧玄風之時或跋涉于征途或憤懣于景象爾時醇醪旨膳俱未暇想忽啜以一杯清茗勞倦爲之頓忘苦憊爲之頓釋抑鬱無聊之况爲之頓舒其功與饘飴全有回生之力也非熱可當水而寒可當火乎越嶺以井多設茶庵獨吾閩不然人嗜水故多施水夫水宜夏而不宜冬濟人者欲其四時咸適而已今觀

晁巖集

疏卷十八

五

王侯以及士庶凡有聚會笙簧未奏承筐未將殺楨未陳必先捧茶以伸主意是茶者其尊居禮樂之先而品爲願養之首群道路之人施以茶是待之以嘉賓延之以上座也有不開舒而解釋者乎昔張無垢以茶供天化爲白乳則茶之爲物天且貴之况施人而可輕視耶今某欲董其施第茶與薪非獨力可辦諸君子幸其成之卽悅近來遠之義有關于王政也勿作茶觀

薦親禮懺疏 三則

爲宣經廣懺祈父往生事痛父太常寺少卿某
居官清白持節端方儉樸示家孝慈成性每焚
香告天地凡行事準聖賢第聰慧過多塵緣久
染外八風固吹不動內三細恐拭難空好閱文
章微粘理窟不能齋素間用牲庖愧不肖之兒
孫致其介慮當多事之家國尚爾闕情雖出正
思亦云妄想知生平之禱父原無獲罪於天顧

晁巖集

疏卷十八

六

起念卽無明謹亟乞靈於佛頂禮慈悲寶懺唵
誦妙法華經願某禮佛時八萬四千毛孔一一
毛孔含受無邊華藏世界一一世界衆生已發
心者未發心者有性無性者有情無情者有父
母無父母者于某禮時究竟解脫又願某宣經
時一一聲中遍徹無邊華藏世界一一衆生在
三有者在三途者有性無性者有情無情者有
父母無父母者聞某聲時究竟解脫又願某宣

經禮佛時盡法界虛空界發深心廣大心法法
互融事事莫礙直觀實相湧寶增於太虛頓證
無生覺龍女之猶緩壽命同阿僧祇劫功德勝
六萬恒沙捨二乘之鹿羊肩萬行之龍象母退
五千之席同坐一大之車允茲刹刹塵塵齊歸
滅度他日生生世世常護法華祈憐微鱗之誠
俯鑒報烏之願復哀懇而呈偈言諦觀世間人
各各父母聚而某造何愆頓失親爺面譬如大

晃巖集

疏卷十八

七

涼樹一旦風吹什嗟彼窮途者何處可依怙又
如夢裏聚骨肉相團鬪及至瞥然離難見夢中
人父子因緣合今以因緣散旣以因緣散復以
因緣結禮懺并宣經曾度人天衆結此大因緣
猶未報親恩惟願大慈父俯鑒鱗蟻裏懺父諸
業障超拔于淨土并四生六道盡解其冤充令
入于滅度又願大慈父破某無明窟法力默加
持得無上智慧傳正法眼藏來生托蓮胎與父

得相會然後不違誓復轉於娑婆化度諸群生
永獲乎三寶卽使虛空殞終不退初心以是報
佛親龍天作明證

又

經言三界惟心若懷精專之心定諧夙願佛視
大千一子如失怙恃之子尤望垂憐慙采菽度
母之誠冀韋希生天之福痛念某母林氏論其
生平爲善皆植果于天人第恐一念無明尚粘

晃巖集

疏卷十八

八

根于恩愛或日用有素葷之雜或念佛有作輟
之功或初心未向于真如或後念未加其勇猛
或因常窘之家而致其勞瘁或逢不肖之子而
劇其憂愁萬一淨土遲胎則不孝終天抱恨懇
禮三世慈父十方聖賢懸心珠智鏡之光明消
陽燄空花之業障懺十二類之習以贖母之餘
習放百千種之生以求母之往生惡緣如頑石

雖沈賴巨艦盛之則風度彼岸妄想原剎柳無

性得慧燈炤之則聖化洪爐伏祈開甘露門覆
慈雲海凡反真之父母俱薦于安養之邦諸梵
收之子孫各遂其勛勞之報蓮開淨土生生無
鍊獄之名日映須彌種種變金山之色昊天罔
極親恩歷浩劫而難酬法界同超我願比虛空
而更遠

又

覺皇現無緣之慈若遇有緣更宜急救度生作

是巖集

疏卷十八

九

不請之友如逢頻請未有不來累劫報恩我佛
最爲大孝剝邯滅業群生皆入涅槃冀吹楊柳
之涼垂憫栻捲之痛念某母林氏別十旬如一
瞬腸片刻而九廻我罪伊何每號天而無路心
禱久矣非抱佛于臨時前禮懺宣經猶恐有未
除之積障復放生施食尚慮有未結之良因雖
塵沙惑業本空然須懺之又懺方無華藏之圓

融知心佛感應如響亦必求之又求乃遂曾賢

之廻向又父某嫡母傅氏久培善本同浣宿愆
早赴蓮土之上生免留藕絲于五濁并界內有
情之父母齊向菩提允懺中無盡之願王畢竟
成就鳴愈多而倍苦勿厭其煩情更逼而堪矜
願祈等視

晃曜集卷十九

閩 池顯方直夫 著

偈

念佛偈示諸衲

我觀天人師稱讚阿彌陀弘願四十八壽命阿
僧祇言願則有盡四十八亦少惟從無願中強
立四十八衆生本是佛彌陀何所願譬如生男
兒父母願他長自然長大時非干父母願旣言

晃曜集

偈卷十九

一

無量壽則壽如虛空云何觀世音繼彌陀成佛
如此亦滅度云何壽無量乃知阿彌陀不在極
樂國凡諸報化身壽皆有窮期有真阿彌陀不
願不接引不見衆生苦不自取極樂無正法住
世無像亦無末其壽毘無量我今不往生亦不
着念佛佛性無往來亦無有念故若我想彌陀
厭此求生彼便墜筏戾車只是二六時行住與

坐臥五濁卽淨土自性卽彌陀一月照萬川摩

尼現千色非照亦非寂隨方到處露佛子欲念
佛無念是真念若知無念者依舊同有念有無
俱不生於一彈指頃頓超阿僧祇

白衣大士抱子圖偈

初名不昉復號法明今作觀音復加妙善種種
化身許多名相非男非女非佛菩薩逢場作戲
擬議卽乖既能觀音將眼作耳如何又說耳根
圓通佛說衆生卽非衆生如何又視衆生作子

晃巖集

偈卷十九

二

乃知聞觀皆非根塵一切慈悲盡是黃葉我寂
無音爾亦無觀是真觀音無復他觀雖然抱子
而終不作佛子二想譬如癡人問爺於父問水
於海我觀觀音如父卽爺觀音抱子如海卽水
二因不是一亦無着真則都真幻則俱幻

謝請藏經偈

有序

三月十九日樵李請方冊藏經五月二十
二日而經至三藏俱備一路平康皆

佛祖加被之力龍天擁護之功敬擇六月
朔日設齋誦經長跏趺首而說偈言

無始覆無明疲勞於生歿惟事筏戾車不知正
眼藏如盲人指日如盲龜撞木如寶山空回如
王饌不餐今復生邊地幼耽外道書幸有微因
緣得覩此法藏儼然在靈山親蒙佛囑付若不
如說脩便落千生去雖文字性離不敢墜頑空
願佛再冥被俾方閱經後魔障日以除心眼日

晃曜集

傳卷十九

三

以開菩提日以進慧命日以長無說不通曉究
竟還寂滅無禪不了義究竟歸淨土盡此一報
身常不離此經他日無量身亦不離此經假使
割我身碎至如微塵及受大苦惱終不敢一刻
稍離於此經又願大千衆俱得覩此經以至三
途種終得覩此經是經卽是心是心卽是佛一
念趣正覺千佛說經竟諸法皆不生常轉如是

藏

巳巳春閱華嚴合論至回向品爲三月二十八日是李方山諱辰敬陳供養而說

偈言

毘盧法性海曠劫難思議誰知衆生根同具不
動智今能初發心便登究竟地煩惱化差別無
明卽妙慧但頓悟本法不須歷五位惟從無時
中超越于三世又從無住中建立于一切果因
互相資圓融諸理事權教懷忻厭折伏空亂意

是囑集

偈卷十九

四

頌定三僧祇皆繇情妄計大哉李方山代佛巧
開示燃此光明燈覺人于大寐我自無始來育
龜未出離今日覩斯經潛然懷慙愧頂禮華藏
尊從今立弘誓盡掃前知見直達于本際亦學
善財叅先發菩提志亦學普賢行塵塵成善利
無盡功德藏一念成具備祈佛作證明常顯真
實義懺除過去愆更斷惑微細當下入初住與
永海相契大心過虛空劫永不退

補陀僧化檀大士偈

我觀世間人種種諸巧伎八萬四千門一切惟
心起譬如一旃檀雕鏤諸形相四聖及六道盡
在良工手衆生心亦然不患不成功只恐爾退
轉穿石與移山無有不遂者今觀補陀僧十年
肩辛苦化出旃檀身七寶廣莊嚴人人嘆希有
無論高丈六卽大如須彌及遍虛空界亦是此
心造乃知起一念萬行卽圓成從茲悟得去事
是礙集

偈卷十九

五

事俱無礙但勿着有爲是則真現量淨聖觀世
音隨順入衆生法身充法界其中難思議福德
本來空幻人作幻事阿育建多塔丹霞燒木身
搥鼓弄琵琶大家都遊戲

禮懺偈

無始種無明生生蒙加被幸有微因緣今朝得
開悟末劫諸衆生沉溺諸苦海五七七八識刺
刺相循環二乘復墜空不解真空性破瓶與蕉

芽永斷諸佛種今欲續慧命惟有一真實願與
法界子同歸慈悲父恒沙諸業障陽燄與空花
我本脩行人付囑轉今生五濁惡世中而作大
佛事蚤歲尚愚痴嗜酒復貪淫綺語及貢高祈
乎求令各種種皆幻妄而今瞥然省一場大慚
愧諸佛作證明我今不復犯慧炬照十方魔外
永消除直依最上乘頓覺無脩證如語實語者
龍天悉聞知復伏三寶力色身長堅固世法皆
見

巖集

偈卷十九

六

圓蒲晝夜盡吉祥歌我諸凡情斬斷微細惑衆
生非衆生盡化蓮花界

佛日寺楞嚴壇燬示衲偈

楞嚴寶宇忽還空二十五聖走西東衆生以欲
爲性命先推火首證圓通

佛誕偈

二首

笑殺世人無眼睛盡傳今日老迦生家家競把
臭杓水千古年來洗不清

又

左手指天右指地如何不直指人心一羣阿囡
元無恙空費醫王頂上針

普度偈

衆生真如原不動祇因隨緣從他轉一轉不知
本無性遂著塵勞日益遠如蛾赴火蠶縛絲三
細六麤竟難返覺皇慈父施大悲示以蘊空當
下遣無柰迷者執爲實欲結空華飲陽燄十二

見巖集

偈卷十七

七

種類通轆轤阿僧祇劫無增減但知緣生卽不
生超彼三乘諸經典世界衆生并業果皆是自
心所變顯心若無時一切無安有罪福與惡善
惟願同藉三寶力幻業如雪消見現鐵圍化作
大蓮華六道輪廻永斷之九

送筏喻上人偈

旣知說法如筏喻何用垂示筏博山去祇因法法
如筏喻得岸舍筏原無住是故崧山雖靜幽不

妨越嶺叅所悟及至廣叅總如斯仍將以筏爲
衆渡渡過蘊海岸亦無一片寒雲飛暮林

山中十二時歌

夜半子寒風輕打疎櫺紙呼童堂上視香燈鼠
走花瓶傾倒水

鷄鳴丑抖擻精神伸脚手忽扣鐘聲撞着心精
勤已落迦文後

平旦寅澗水涓涓響到晨亦不提宗看教典又

是巖集

僧卷十九

八

非無事坐閒人

日出卯諸僧朝粥已餐飽昨宵何處發狂風墻
畔竹梢都倒撓

食時辰塩薑脫粟度微身山頭纔黑雨旋來侍
者憂無明日薪

萬中已漫云學道了生處澆花種竹墾磽田卽
是幽中正經紀

日南午報道前山有猛虎今日曾傷水牯牛勞

搖一社喧金鼓

日暎未。林陰過隙真容易。何峰大雨漲溪濤。幾
浸堤邊禾稼地。

晡時申。山高漸不見紅輪。入城樵子持家信。又
欲回書答故人。

日入西。泉邊花下幾杯酒。望天偶爾欲高譚。恨
太寂寥無一友。

黃昏戌。斷峰喜見月痕出。枝頭有鳥報初更。衲

晃巖集

偶卷十九

九

子薰脩猶未畢

人定夾。萬聲俱寂一溪在。竹床紙被冷如水。此
樂寤言終不改。

